



**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Quædam obiectiones diluuntur. Membr. 4.

[urn:nbn:de:hbz:466:1-73915](#)

libertate sed Deus verò neque ad naturalia, neque A ad supernaturalia singulis hominibus & Angelis eodem modo, arque aequaliter prouidet, sed dona sua misericordie distribuere statuit prout volt, nemini interim deficere in necessariis, sicut ad perfectissimam Dei prouidentiam (ut præcedente disputatione dicebamus) necessaria erat scientia media per quam, præuides que per cuiusque creaturæ arbitrium ex quacunque hypothesi, & in quo cumque rerum eventu essent futura, salua illarum libertate, posset ex aeternitate, atque absque illa in seipso temporis decursu vicissitudinis obumbratione ex iis, quas creare decerneret, prædestinare, quas vellet, & omnibus ad singulos eventus iuxta suam sapientiam ac benefacitum suæ voluntatis prouidere, statuendo variis modis & auxiliis earum aetius peruenire, eas diuersimodè exercere, defectus, & peccata eorum permittere & tolerare, ad fidem & penitentiam ipsas vocare, vocatas iam & iustificatas in bono promouere, & pleraque alia circa illas exercere.

*Quo patet omnia in tam
huius quidam
naturæ diuina
solantur
prudentia.*

Vltimò dicimus, quia bona omnia, siue per causas naturæ necessitate agentes, siue per liberas fiant, ita pendent à divina præfinitione (quali à nobis supra explicata fuit) ac prouidentia, ut in particuliari per illam à Deo intendantur: actus autem mali arbitrij creati etenim etiam diuinæ præfinitioni, ac prouidentiae subduntur, quatenus causa, unde eminant, concursusque Dei generalis ad eos eliciendos necessarii, per diuinam præfinitionem, ac prouidentiam conferuntur, licet non eo fine, ut illi ex eis emanent, sed ut alij longè diuersi fierent rebusque arbitrio prædictis sua innata libertas in eorum maximum bonum seruaretur, & insuper subdūtur eidem diuinæ præfinitione & prouidentia, quatenus esse nequeunt in particuliari, nisi Deo per suā prouidentiam in maius aliquod bonum colendum in particuliari permittente, consequens profecto est, ut omnia in euentu diuinæ prouidentiae ac voluntati subdantur in particuliari, quæ corū intendent in particuliari, & cetera permittent in particuliari. Quòd sit, ut neque foliū de arbore pendens moueatur, neque ex passibus duabus, qui a se vaneunt, unus cadat super terram, neque quicquam aliud omnino fiat sine voluntate ac prouidentia Dei circa id in particuliari, vel intendente, vel permittere illud in particuliari: id quod fortissimum solatum est iustis, qui in Deo suam spem totam collocaunt, atque sub umbra alarum prouidentiae ipsius suauiter requiescunt, optantes ut tam in prosperis, quam in aduersis, diuina semper circa ipsos voluntas impleatur.

Ex dictis facile intelliges, quām falsò mihi sepe imponitur me constituerē solūm prouidentiam in confuso, & non in particuliari, circa ea que ab arbitrio creato pendent, ex eo, quòd constitutam in Deo mediā scientiam, qua Deus præuiderit quid arbitriū creatum esset facturū ex hypothesi, quòd in hoc vel illo ordine rerum & circumstantiarum, atque auxiliorū collocaretur. Neque, qui id mihi imponunt, assentunt, in ipsa re libero arbitrio prædicta, & in ordine rerum, ac circumstantiarum, & auxiliorum, contineri media omnia diuinæ prouidentia, per quæ in particuliari intendit bona omnia, quæ pro libertate talis creati arbitrij præuideret futura. Quia tamen sollicitus non sum, quid quis de me referat, ed quòd facilè legenti nostram Concordiam constare potest, quid ipse dixerim, multa, quæ tamquam mea falsò referantur, consultò prætermitto. Multis etiam aliis superuacaneum duco satisfactio-

Molina in D. Thom.

M E M B R V M I V

Quedam obiectiones diluuntur.

A Vtores contraria sententia primò in hunc modum argumentantur.

Si Deus nihil omnino creare decrete sit, solūm effectū Argumēnum.

Deo scientia naturalis, quæ seipsum comprehendet, & primum in serpō omnia possibilia, tam naturalia, quām libera, sed ex decreto creandi res solūm est in Deo scientia libera, quæ cognoscit, quæ ex illo libero decreto sunt futura: ergo in Deo non est tertium illud aliud genus scientia medic.

Confirmatur, quoniam vel scientia Dei consideratur comparatione possibilium, antequam determinentur ad esse per actionem diuina voluntatis, atque, hoc paclō spectata est naturalis in Deo vel consideratur comparatione rerum, que post determinationem liberam voluntatis diuina erant in aliqua temporum differentia, & tunc est scientia libera: ergo non datur tertium genus scientia in Deo.

Ad Argumentum neganda est maior. Ultra scientia enim merè naturalem, qua illa omnia cognoscuntur in ratione merè possibilium, effet etiā scientia media, qua Deus cuiuscumque contradictionis

futuorum contingentium, quæ ab arbitrio creato pendent, cognoscet, quæ pars esset futura, nō simpliciter, sed ex hypothesi, quòd hunc vel illum ordinem rerum velleret condere, sciturus contradictionem, si ex eadem hypothesi dependeret ab arbitrio creato contraria sit futura, ut haec nos ostendit, quum est. Aduersariisque ipsi idem tenentur confiteri circa peccata, quæ data ea hypothesi, futura essent per arbitrium creatū, nisi vel afferere velint Deum ignorare, quæ peccata, data ea hypothesi, essent futura, vel dicere velint, arbitriū, data ea hypothesi, naturæ necessitate ea peccata esse commissuram, quod membro secundo latè impugnatum est. Observa, cito Deus nihil constitutisset creare, futuram in eo scientiam liberam, qua cognosceret nihil eorum esse futurum, qua creare poterat: quemadmodum enim liberè non constitutisset creare, ita liberè seiret nihil eorum, quæ constitutere poterat creare, & non constituit, esse futurum. Aduersarij tamen loquuntur de scientia libera rerum positiviarum,

Ad confirmationem dicendum est, dari tertiam considerationem diuinæ scientiæ, nempe comparatione eorum, quæ futura sunt, non simpliciter, sed ex hypothesi, quòd Deus ipse hunc vel illum ordinem rerum creare velleret, si rurum namque sic ex hypothesi, medium quoddam est inter merè possibile, & futurum simpliciter, ut membro primo explicatum est. Scientia verò Dei hoc modo spectata comparatione eorum, quæ dependenter ab arbitrio creato ex ea hypothesi essent futura, est scientia media: quoniam licet non sit liberam in Deo, sciunt tamen Deus contradicitorum, si, ut ex eadem hypothesi esse poterat, effet futurum.

Secundò argumentatur, si prædictio Dei conserendi concussum ex se efficacem ad actionem boni voluntatis, concussumq; ipse ex se efficax non essent consenserendi: idcirco effet, quia determinando efficaciter voluntatem ad unum, tollerent libertatem voluntatis ad oppositum, ac proinde voluntas non diceret eum actionem libere, sed necessariò, quæ dato, periret bonitas moralis ac meritum illius attulit, sed ex eo, quòd voluntas, quando operatur, determinata sit ad unum, non sequitur non operari libere: ergo irrationaliter illa de causa negantur prædictio diuina conferendi concussum ex se efficacem, concususque ipse ex se efficax. Minor probatur, quia etiam in eorum opinione, qui eiusmodi præfinitiones & concusus efficaces no-

admittunt, quando voluntas liberè operatur iam se determinauit ad alteram contradictionis partem, imò idcirco operatur, quia se determinauit: sed id non tollit, quominus liberè operetur: ergo ex eo, quod voluntas quando operatur determinata sit ad unum, non sequitur nos liberè operari.

Responso.

Ad maiorem huius argumenti dicendum est, idcirco præfinitiones illas & concursus ex se efficaces non esse admittendos, quoniam, quillos constituit, affirmant, sine illis voluntatem non posse elicere illum actum bonum, & illis prætentibus, non posse illum non elicere: & præterea quod presentes, aut absentes sint, non pendere à voluntate ipsa, quæ cum actum elicere debet, sed à solo Deo id liberè præficiente ex æternitate, aut non præficiente: quibus datis, numquam in voluntate ipsa relinquitur facultas ad se indifferenter determinandum, aut non determinandum, vel ad se determinandum in unam aut alteram partem, quod tamen ad veram libertatem rationem omnino est necessarium. Quod autem illis datis, numquam in voluntate relinquatur ea facultas, patet. Quoniam in instanti, in quo non adest ille concursus, non potest voluntas determinare se ad eum actum eliciendum, neque in ipsius potestate est tunc facere aliquid, quod si faceret, adest concursus ille, quoniam tunc concursus, & præfinitio non penderent à sola libera voluntate Dei, sed ab eo quod pro sua libertate factura est voluntas, aut non esset factura, præcognito à Deo per scientiam medianam. In instanti vero, in quo concursus ille efficax adest, non potest voluntas non determinari ad eliciendum eum actum: quoniam si in potestate ipsius efficit tunc non se determinare, posset reddere inefficacem talem concursum, ac proinde ab ipsa penderet, quod efficax, vel inefficax esset. Concessa ergo maiori argumenti propositi, si in ea sit sermo de determinatione in sensu à me modo explicato, quæ libertatem aufer à voluntate ad eum actum, & cum ea bonitatem moralē & meritum eiusdem actus, neganda est minor, si in ea similiter sermo fit de eodem modo determinationis ad unum. Ad probationem vero negandum est, voluntatem, quæ liberè operatur, prius natura se determinasse, quam operetur: imò vero operando liberè determinat se ad operationem, prūque natura in eodem instanti constituta est indifferens, ut se determinet ad operandum, vel non operandum, & ad operandum potius circa hoc obiectum, quam circa illud, & potius volitionem, quam nolitionem, quam determinatè operetur, aut determinatè non operetur, & quam determinatè elicit volitionem, aut nolitionem circa hoc aut illud obiectum, ut disputatione. 4. ostensum est: quin potius idcirco liberè operatur, liberè se determinat ad operandum, quia prius natura est indifferens, ut ita se determinet, aut non determinet, atque adeò quando se determinat, potest se non determinare: postquam vero in aliquo instanti intelligitur iam ad unum determinata, implicat contradictionem se non determinasse in eodem instanti, ac proinde non est iam libera ad non ita se determinandum: id quod Aristoteles & Boëtius docuerunt vulgari illo pronunciato: *Quod est, quando est, non potest non esse*, ut disputatione citata dictum est.

Argumētum
tertiū.

Tertio argumentantur, quoniam existente voluntate efficaci finis voluntas non possit in sensu composito non velle medium ad eum finem necessarium, id tamen neque libertatem, neque moralē bonitatem, aut etiam meritum tollit à voluntate talis medijs: ut existente in viatore efficaci voluntate semper ea beatitudinis, occurrente, illi obser-

A uatione altius præcepit obligantis sub culpa lethali, quoniam in sensu composito non possit non velle eam observationem, eo quod medium sit omnino necessarium ad consequā beatitudinem, id tamen non tollit eam voluntatem esse liberam, bona moraliter, ac meritaria ergo quod, existente divina præfinitione conferendi alicui concursum efficacem ad aliquem actum bonum: talis homo in sensu composito non posse non elicere cum actum, nō omnino impedit, quoniam talis actus liber fit, & bonus moraliter, aut etiam meritarius, si ab existēre in gratia elicatur.

Ad hoc argumentum, concessio antecedente, neganda est consequā: quoniam in priori eventu vtrumque eorum, quæ in sensu composito non possunt esse simul, est in libera voluntate viatoris illius, ita ut, quando vult observationem occurrentem talis præcepti, possit & ipsam non velle, & eo ipso desistere simus à voluntate efficaci finis, ac proinde veram libertatem seu indifferentiā ad vtrumlibet retinet comparatione obseruationis, talis præcepti: in posteriori vero eventu, admisso tali genere præfinitionis, atque concursus diuini ex se efficacis, eam libertatem non retinet ad eliciendum, vel non eliciendum actum illum bonum, ut argumento præcedente, & scilicet in superioribus ostensum est.

C Quarto argumentatur, prudensissimus dux, vel paternoster, si posset prouidere domum, vel exercitū prouidendo omnes, & singula res, ac particularia media ad consequātionem victorie, vel ad rectam dominū gubernationem, certe id faceret, in cōquē splendorē maxima eius prouidentia & sapientia: si vero id non facit, idcirco est, quia non potest: sed Deus faciliter potest prouidere hoc modo omnibus rebus, neque ea de causa tollitur libertas ab arbitrio creatoris: ergo prouidet præfinitione omnia in singulari.

Si hoc argumento solum intendatur, in Deo esse Responso.

D prouidentiam de omnibus in singulari, concedendum est torum: neque enim pugnat contra nos, qui de omnibus in singulari constitutis in Deo prouidentiam, bona intendendo in singulari, & mala in singulari permittingo, ut membro præcedente ostensum est. Si vero intendatur, ita prouidere de rebus, & mediis in singulari, ut præfinitione per concursum ex se efficacem singula intendat, tunc concessa majori, & minori quoad priorem ipsius partem, neganda est quoad posteriorem, nempe talem modum præfinitionis non tollere libertatē ab arbitrio creatoris: contrarium namque ostensum est. Deinde vero neganda est consequā: est enim dispar admodum ratio.

E Victoria namque, & recta gubernatio domus, ita ut in ea nullus interueniat defectus, sunt fines ducis, & patris familias domus, quos intendunt, & quos semper assequentur, si possint: at vero finis naturalis & supernaturalis, ad quod Deus liberis prouidet, non sunt fines Dei, sed ipsarum inimicorum creaturarum, ita illi præpositi, ut in ipsarum potestate Deus relinquat, perennire ad eos, aut non perennire, ut sic media cedant illis in meritum, laudem & honorem, & fines ipsi in premium: cōque de causa expediens non fuit, ut Deus illis prouideret per concursus efficacis, sed per eos, quos reddere efficaces, aut inefficaces ad opera, pederet ab ipsiis inimicis creaturis libero arbitrio prædictis.

F Quinto argumentantur. Multa sunt, que sine præfinitione illorum in particulari per efficacem Dei voluntatem esse non poterunt: ergo concedenda est Dei præfinitione. Consequentia est manifesta. Antecedens vero pacet in iis omnibus, quæ supra communē emuniversi cursum emerunt, ut fuerint miraculosa vocatio, & conuersio Pauli in actu ipso persequendi Christum & Ecclesiam, ea que circa Iosephum acciderunt, dum oīo habitus, nudatus, missus in cisterna, ac venditus fuit à fratribus, & postea innocentem

innocenter in carcere missus est, ac tandem ad tantam gloriam eueclius, cum ceteris quæ circa ipsum acciderunt, præfertim cum in his omnibus typum Christi geserit, sanè ea omnia sine speciali Dei consilio & præfinitione efficacis sua voluntatis esse non potuerunt. Tale etiam fuit insigne illud factum duorum illorum fratrum Phares & Zaran, qui in ipsa nativitate effusione ita se geserunt, ut unus manum protulerit prior, in quo obistetrix ligavit coccinum dicens, iste egreditur prior, eo verò retrahebet manum, egressus est alter. Idem dicere possumus de Jacob & Esau, dum minor prælatus est maior, & non ex operibus, sed ex vocante dictum est, quia major seruerit minori: vt ait Paulus ad Romanos 9, atque in nonnullis aliis similibus euentibus.

Ad hoc argumentum concedendum est antecedens, non solum de iis, quæ supra communem cursum sunt miraculosè à Deo, sed etiam de iis, quæ à solo Deo immediatè sunt, ea tamen ex parte, qua à solo Deo habent radicem sua contingentia, vt in principio membra præcedentia explicatum est. Circa eiusmodi enim res admittimus præfinitiones per voluntatem Dei efficacem, concursumque Dei efficacem ad eas producendas, vt ibidem dictum est. Vnde si in conseqüente solum sit sermo de præfinitione ad eiusmodi res, concedenda etiam est consequentia. Si vero sermo sit de præfinitione illo modo, etiam ad res quæ ab arbitrio creato pendent, aut ad illas alias ea ex parte quæ, quoad subiectum aut aliquid aliud, ab arbitrio creato pendent, eo modo quo membro præcedente explicatum, neganda est consequentia. Quod vero attinet ad exempla, quibus antecedens probatur, circa primum dicendum est. Miraculosa quidem Pauli vocationem, tam externam, quam internam, præfinita est à Deo efficaci voluntate & concursu, confusum tamen Pauli eidem vocationi, & per consequens conuersationem Pauli, quatenus à libero suo confusum pendebat, non fuisse illo modo præfinita, vt ex responsione ad sequens argumentum pacebit. Circa secundum exemplum dicendum est, Iosephi somnia, & adiutoria alia, quibus Deus peculiariter adiuvuit, vt multa ex iis, quæ circa Iosephum acciderunt, evenient, esse quidem illo modo præfinita à Deo, odiatamen & persecutiones fratrum, missionem in cœlestiam, venditionem, falsum testimonium vxoris Phutipharis, & sollicitationem ad adulterium, cum lethalia fuerint peccata, non fuisse illo modo præfinita à Deo, vt iij ipsi, cum quibus disputamus, confitentur, sed cum præuidetur Deus illa nequitia fratrum & vxoris Phutipharis esse futura ex hypothesi, quod cum totum ordinem rerum & circumstantiarum ex sua parte condere veller, statuisse solum ea permittere. Alia etiam non mala, quæ circa Iosephum acciderunt, quatenus ab arbitrio creato pendeant, non eo modo præfiniuit Deus, quo autores, cum quibus disputamus, intendunt: sed modo à nobis præcedente membro explicato. Circa tertium exemplum, quæ miraculosè ibi acciderunt, eo modo præfinita fuerunt. Motio item interna, quæ obistetrix à Deo videtur inducta, vt coccinum eligat, qui prior manum emisit, à Deo videtur præfinita. Circa quartum, prælatio, seu electio æternæ, quæ Jacob præ Esau fuit electus, ex sola libera voluntate Dei fuit. Licet autem non fuerit ex operibus præuis, non fuit tamen sine præfinitione operum, quæ per utriusque arbitrium erant futura ex hypothesi illius ordinis, verum, circumstantiarum, atque auxiliorum. Ex iis vero quæ in exequitione ipsa prælatonis illius acciderunt, nonnulla eo modo, quo autores, cum quibus disputamus, intendunt, præfi-

A nita fuerunt à Deo: alia verò eo, qui à nobis membro præcedente explicatus est, vt circa alia exempla dictum est.

Sexto argumentantur, *Conuersio Pauli, Maria Argumentum Magdalene, & Latronis in cruce pendentis, facta sunt sextum.* per concursum, seu auxilium Dei ex se efficax, & ex eternitate præfinita sunt à Deo, vt per tale auxilium fierent, atque cum eiusmodi præfinitionibus consentit libertas arbitrij Pauli, Magdalene, & Latronis ergo admittenda sunt præfinitiones per Dei concursum ex se efficacem, similique confidendum est, id libertati nostri arbitrij nullum præiudicium afferre.

B Ad hoc argumentum negandum est, conuersiones illas factas fuisse per auxilium Dei ita ex se efficax, vt in potestate arbitrij Pauli, Magdalene, & Latronis, præuentiam, motu, ac excitati potentissimo eo auxilio non fuerit, nihil tali auxilio impediens, non consentire, vt Concilium Tridentinum de auxiliis gratiae ad conuersationem peccatoris absque villa exceptione definit: quare, quod ex eo auxilio sequeretur permaneri arbitria Pauli, Magdalene, & Latronis ad confusum, cooperationemque cum eodem auxilio ad contritionem & conuersationem, atque adeò quod ad id esset efficax, aut non, pendens fuit à Pauli, Magdalene, & Latronis libera voluntate, qui in potestate sua habebant reddere illud inefficax, non consentiendo & non cooperando cum illo, si ita vellent. Id vero vt melius intelligas, obserua, nihil infra Deum clarè vixum necessitatibus voluntarem quoad exercitium actus, sed semper manere liberam, vt actum exerceat, aut non exerceat, tametsi quæ maior ratio boni conspicitur in obiecto, & magis ad illud afficit voluntas, minörque scilicet offert ad id difficultas, ed ex sua propria libertate soleat voluntas facilius, & frequentius determinare se ad appetitionem, seu actum circa tale obiectum, semper tamen cum libertate ad continentum actum, quia nihil est, quod illam necessitatibus quoad exercitium: atque hæc libertas sufficit ad meritum, si actus bonus in se sit moraliter, & eliciatur ab existente in gratia. Quemadmodum ergo, quando homo rebus huius saeculi est deditus, quæ maius bonum tempore ei proponitur, & minori cum difficultate obtinendum, eò soler facilius & frequentius elicere sine villa mora volitionem circa illud, id est vt nullus prudens dubitet, si ei multa millia aureorū gratis accipienda proponantur, aut regnum, vel monarchia orbis, eum continuò elicitorum volitionem, & nihilominus liberè quo ad exercitium eam eliceret, ita vt si cum peccato, saltem veniali, id appetat, verè peccet, quod non esset, si actum non possit contineere: ita tanta luce potest peccator intrus à Deo illustrari ad cognoscendum, tum sua propria scelera, tum damnatio, quæ ei attulissent, tum denique bonitatem Dei, atque ingratitudinem erga Deum communisam, tantòque effectu, & suauitate profundi, ac excitari ad contritionem, & dilectionem potest ipsius voluntas, vñā cum parte sentiente, vt credendum omnino sit, illum sine mora consensus elicitorum: semper tamen cum libertate ad illum continentum, si ita velit: quamvis raro, aut numquam in tanta luce, tamen potentiè adiutorio, illam continet, præfertim si simul adit signum aliquod exterrit ad ideam inducens, quale fuit circumfulsis. Paulo lucem de cœlo, corruisse in terram, Christumque apparuisse illi dicentem, *Saulus? Saulus? quid me persequeris?* durum est tibi contra stimulum calcitrare: tales autem videntur conuersiones Pauli, Magdalene, & Latronis pendentis in cruce. Non tamen ad eorum exemplum admittienda sunt aliae, quæ communibus

Reffonsio.

C D E F Molina in D. Thom.

V 3 auxiliis,

Lxx. 7. auxiliis, longèque maiori cum difficultate eorum, qui conuertuntur, quotidie fiunt in eccllesia. Præterea, conuerfiones Pauli, Magdalena, & Latronis, existente æquali auxilio ex parte Dei, eſcè potuerunt magis, aut minus intensa, cooperante intensius aut minus intense ipsorum arbitrio cum auxilio Deicid quod laudat̄ in Magdalena videtur Christus, dum dixit, *Remittuntur ei peccata multa, quoniam dilexit mulierum.* Illud etiam obſerua, vt 1.2. quæſt. 10. oftendimus, nullum obiectum in particulari appeti in hac vita necessariò quoad speciem actus necesse est omnimoda, ita vt ratione alicuius mali, quod habere potest adiunctum, non posuit aliquando, licet raro, respui per nolitionem. Quare in potestate Pauli, Magdalena, & Latronis, nihil illo auxilio impedit, fuit nolle conuerti ratione difficultatis, qua erat in continentio ſe à lethaliſbus peccatis per totam vitam, vt ad veram contritionem statuere tenebantur: tamē ſe raro admodum, aut numquam, cum tanto ac tali auxilio id eueñiat. Quòd fit, vt etiam in his conuerfionibus locum habeat definitio illa Concilij Tridentini, qua statuit, *liberum hominis arbitrium, a Deo per auxilia gratia motum ad iustificationem, at excitatum, posse difſenire, ſi velit.*

Argumentum septimum.

Septimò argumentatur, *Actus singuli meritorij beatæ Virginis, & aliorum, qui in gratia fuerunt confirmati, illi praesertim, quibus precepta adimplent, & quos sub reatu lethaliſbus culpa, aigue amissionis gratia elicere tenebantur, fuerunt praefiniti à Deo per concussum, seu auxilium ex ſe efficac: neque id illorum libertati derogabat, quia quamvis in ſenſu compoſito non potuerint illos non elicere, eò quod contradictionem implicet, quempam confirmatum effi in gratia, & non elicere auctum, quem sub reatu lethaliſbus culpa tenetur elicere, fatis tamen eſt, quod in ſenſu diuino potuerint illos non elicere, vt libere dicentur eosdem elicere, & vt illis posse mereri: ergo admittenda ſunt praofinitiones per concussum Dei ex ſe efficacem: neque quod in ſenſu compoſito ſtante tali praofinitione non poſſit non elici auctus praefinitus, derogat libertati arbitrij: quia ſatis eſt, quod in ſenſu diuino poſſit non elicere.*

Ad hoc argumentum, quamvis conſitendum fit, actus illos fuſſe praefinitos in ſenſu à nobis membro præcedente explicato, negandum tamen eſt praefinitos fuſſe per auxilium ex ſe efficac, vt argumentum intendit. Semper namque integrum beatæ Virginis & aliorum confirmatis in gratia fuit, nihil impedit auxilio gratia, aut Dei concurſu, illos non elicere, casuque reddere tale auxilium, aut concurſum, etiam in instanti, in quo illos elicerunt, & sub auxilio, quo illos elicerunt, alioquin eis auctibus in instanti, & sub eo auxilio meritorij non fuſſent. Neque beatæ Virginis & aliorum confirmatis in gratia de negari debet laus illa, inter alias, hominis iusti, qui potuit transgredi, & non eſt transgressor, facere mala, & non fecit. Confirmatio autem in gratia in eo eſt poſita, quod Deus statuerit tantam gratiam, & talia auxilia alicui in tota vita decurſu conferre, quibus præuidebat illam pro ſua libertate numquam eſe lapſuram in culpam lethalem, cum tamen, nihil impedit ea gratia & auxiliis, labi poſſit. Posita etiam in eo eſt, quod Deus manifeſtauerit, ſtatuisse eo pate illum munire. Praefuerari item beatam Virginem ab omni culpa, etiam veniali, non aliud fuit, quām Deum tantam gratiam, talia dona, & talia auxilia ei in tota vita decurſu conferre, eaque ex aeternitate ſtatuisse conferre, quibus præuidebat illam, neque in culpam veniali pro ſua libertate eſe lapſuram, cum tamen, eisdem auxiliis & donis, nihil impeditibus, labi pro eadem libertate poſſet, si

A vellet. Itaque certitudo, quod confirmatus in gratia tota vita decurſu à puncto, à quo confirmatus in quid confratia dicitur, non peccabit lethaliter, nec proinde in matutina in grā amitteret gratiam, reducitur ad cereritudinem diuinæ præſcientiæ, qua id futurum cum ea gratia & iis auxiliis præuidit pro libertate arbitrij hominis ita confirmati: non verò reducitur ad efficaciam ex ſe diuinorum auxiliorum, quasi homo ille, nihil auxiliis cur illis impeditibus, non poſſit labi in lethalis peccata, & quia, quod ea auxilia efficacia ad eum effectum futura ſint aut non ſint, non pendeat ab innata libertate hominis ſic in gratia confirmati, consentire & cooperari cum illis volente, aut nolente. Quia ergo, quod D. Petrus à die Pentecostes rationem habuerit hominis in gratia confirmati, pendens fuit, tum ex eo, quod Deus conſerre illi voluerit plenitudinem gratiae, & auxiliorum, qua eodem puncto conſerre illi ex aeternitate ſtatuit, tum etiam ex eo, quod Deus præueriderit Diuum Petrum cum ea gratia & auxiliis pro ſua libertate non eſſe lapsuram in reliquo vita decurſu in lethale peccatum, hoc verò secundum non ideo futurum erat, quia Deus id præſciuit, ſed ē contrario, idcirco fuit præſcritum, quia pro libertate arbitrij D. Petri eis donis muniti ita erat futurum, ſanè, quod confirmatus in gratia non poſſit in ſenſu compoſito nō implere precepta, quæ obligant ſub culpa lethali, nihil omnino libertatis tollit à confirmato in gratia, vt poſſit illa non implere, ſi velit: quoniam ſi eorum aliquod non eſſet impleturus, vt recipia nihil impedit ea diuina præſcientia poſte, numquam talis præſcientia in Deo fuſſet, atque adeo neque Diuus Petrus ex eo, quod Deus eam plenitudinem gratiae, eaque auxilia ex aeternitate illi conſerre ſtuſſet, haberet rationem conſiratio in gratia.

Postremò argumentantur, *Actus Christi Domini Argumēnum præfiniti fuerunt a Deo per auxilium efficac ex ſe, praesertim is, quo implevit Patris preceptum, de redimendo per propriam mortem generis humano: quandoquidem Christus, quia ſimil erat Deus nullo modo potuit peccare, atque adeo ne potuit non elicere auctum illum, quod preceptum illud impleret: & tamen libere eūdem auctum elicuit, alioquin neque eo meritus fuſſet, neque per conſequillia redemij geniuſ humanum quod eſt hereticum: ergo necessitas in ſenſu compoſito elicendi auctum, vel quia praefinitus eſt per auxilium ex ſe efficac, vel quia per illum impletur preceptum, elicitiq[ue] ab eo, qui, quatenus ſimil eſt Deo & homo, nulla ratione potuit peccare, neque libertatem ſimplificare, neque meritos tollit ab auctu: quia ſufficit quod in ſenſu diuino is auctu ſit liber, vt erat in Christo. Quòd fit, ut praofinitiones per auxilium ex ſe efficac non ideo ſint excluendae, quia ſit ab auctib[us] tollant libertatem: cùm ab libertatem ſatis ſit, si auctu praefinitus poſſit in ſenſu diuino non elicere, vt de auctu illo Christi neceſſariū eſt affirmare.*

Hoc argumentum nos cogit, vt extra proprium locum explicemus, qua ratione, & contradictionem, implicauerit, Christum, dum viator erat, peccare, & ſimil habuerit libertatem ad id omitterendum, cuius omisſio culpa eſſet in Christo, atque adeo qua ratione meruerit implendo, tum precepta reliqua, iuxta illud Iohannis 15. *Sicut & ego Patris mei precepta ſeruani, & maneo in eius dilectione,* tum in particulari illud Patris preceptum, de morte in redemptionem generis humani ſubſeunda, iuxta illud Iohannis 10. vbi de morte ſua ait: *Hoc mandatum accepi à Patre meo, & cap. 14. de eadem paſſione ac morte dicit, Sicut mandatum dedit mihi Pater, ſi facio, ſurgite eamus, & illud ad Philippien. 2. *Hamiliavit ſemipum faciūs obediens vſque ad mortem, mortem autem crucis,* atque illud*

illud ad Hebr. 5. *Cum esset Filius Dei, didicit ex iis, quæ passus est, obedientiam.*

Id vero ut melius intelligatur, obseruandum est: longe diuersum esse, quid natura humana à Verbo assumptæ ratione assumptionis gratiæ vnionis debetur, & quid vi nuda assumptionis, secluso omni alio dono, quod ratione gratiæ vnionis ei debetur, illi conuenit. Quia enim Verbum quæ verbum est, nihil influit in naturam humanam assumptionam, sed absque omni prorsus causalitate terminat dependentiam illius: vnio vero hypothistica facta est efficienter à tota sanctissima Trinitate, quæ vnum Deus est, per influxum in humanitatem, quo supernaturale collatum quidem illi est idem suum esse, sed dependenter ad suppositum Verbi, eaque ratione vniuersa est Verbo diuino, sanæ naturæ assumptiona, vi præcisè huius vnionis, nullas alias vires habet, quæm eas quas haberet, si sibi ipsi relicta, subsisteret in seipso, in suóve proprio supposito.

Sicut enim Sacramento altaris, in quo temporis momento fit transubstantiatio panis in corpus Christi per influxum supernaturem totius gloriissimæ Trinitatis in accidentia, quæ erant in substantia panis, existentia fuit in seipso, non quasi recipienti nouum esse, sed illud idem independens iam supra ipsum naturam à subiecto per influxum nouum in genere cause efficientis, quo in se ipsis vigorantur: & compensatur, ac superius causalitas materialis subiecti, ipsis alioquin ad existendum necessaria: ita cùm natura humana singularis habeat ex se subsistere in seipso, effeve suppositum, si sibi ipsi relinquatur, vt pote nullo alio indigens, à quo fulciatur & sustentetur, sanè supra naturam suam per nouum influxum in ipsum fit à tota beatissima Trinitate dependens ad alienum suppositum verbi, cui vnitur, quasi inexilis, & à quo sustentatur, fit tamen ita dependens, non quasi altissima Trinitas per eum influxum conferat illi aliud esse, sed illud idem factum iam quasi infirmum in seipso, vt pote indigens alieno supposito, à quo longè facilius ac dignius sustentetur, quæm si in se ipso in suóve proprio subsistet supposito.

Hic iam facilè intelligitur, naturam humanam per assumptionem à Verbo diuino, conseqvi quidem gratiam vnionis, hoc est, Verbum esse suppositum ipsius: vt autem natura humana eo ipso tribuit Verbo esse huius hominis, qui simul est verus Deus, ita vicissim à Verbo consequitur dignitatem infinitam, ratione cuius habent opera, qua per eam fuerint exercita, vt sint meriti, ac valoris infiniti. Ceterum licet natura humana per assumptionem assequatur eam gratiam vnionis, gratiæque illa radix sit & origo, quod ei debita sunt dona omnia, quæ habere detectum hominem, qui simul est Vnigenitus à Patre: nihilominus, seclusi donis non maiores vires haberet, quæm haberet si sibi ipsi relicta, subsisteret in seipso, in suóve proprio supposito. Quare sicut non obstante assumptione, mori posset sua natura relicta, vt mortuus fuit in Christo, pati posset cateras terrumas & miserias, quas mortales reliqui patiuntur: ita habere posset motus naturales sensuilitatis, & passiones, ac rebelliones aduersus rationem, quas ceteri patiuntur, maiores, vel minores pro qualitate complexionis, quæ illi fuisse collata, haberet etiam naturalem arbitrij libertatem, qua & resistere, & consentire posset, perinde ac si in seipso, in suóve supposito proprio subsisteret. Sicut, ergo natura humana in Christo lumine gloria eguit, vt videret diuinam essentiam, et sérque beata quoad animam, eguit etiam gloria corporis, doribusve, quæ à puncto refur-

rectionis ex gloria animæ in corpus redundarunt, vt immortalis & impassibilis esset, haberetque reliqua, quæ corporibus gloriofis competunt: sic etiam, vt in ipsis parte sentiente, interim dum simul erat viator, passiones & motus contra rationem non insuperarent, indiguit plenitudine gratiæ habitualis, ac virtutum, domique in parte sentiente, vt iustitia originali, quibus ea pars cohబeretur, & contineretur in officio, & ita de aliis donis ad alias functiones, ac finis necessariis.

Illud deinde obserua, quamvis ex gratia vnionis debita fuerint Christo, ipsiusve humanitati, ea omnia, quæ post resurrectionem habuit, quia tamen incarnationis simul instituta fuit à Deo, vt Christus per merita sua, ac mortem redimeret genus humanum, & vt sanctissima ac perfectissima ipsius vita illustrissimum mortalibus præberet exemplum, quo & docerentur genus omnium virtutum, ac perfectionis, & ad illius imitationem acriter stimularentur, ac virgrentur, quia item gloriatus erat Christus peruenire per merita propria ad gloriam corporis, & exaltationem, quæ si statim à principio illam haberet, inde effectum est, vt quamvis à puncto conceptionis, fabricante Spiritu sancto in utero Virginis corpus illud sacratissimum, assequutus fuerit perfectissimi complexione, animaque illius videtur diuinam esse, & totus Christus, quod corpus & animam, repletus fuerit habitibus ac donis, que cum fine incarnationis paulò ante explicato, statique viatoris simul & comprehensoris non repugnabant, nihilominus gloriam corporis vix ad resurrectionem non accepit: neque eam solam Deus miraculosè resulst impedierit ex gloria animæ, sed simul etiæ ita visionem suæ essentiæ, beatissimum amorem, ac fruitionem illi communicauerit, vt supra naturam horum donorum, continentendo effectus, qui inde naturæ necessitate deberent resulstare, reliquerit voluntatem Christi capacem doloris ac tristitiae, perinde liberam ad implenda, aut non implenda præcepta, quæ sub culpa obligabant, ac si in Christo gloria animæ non fuisset: quoniam id ita erat necessarium, vt posset mereri, innocentissimæ sua vita & morte redimere genus humanum, tantquam cum suo honore, ac laude relinquere mortalibus illustrissimum suum vitæ exemplum, atque ad corporis gloriam & exaltationem peruenire. Ratio quippe viatoris simul & comprehensoris in Christo, à puncto conceptionis ipsius in utero virginis usque ad animæ exhalationem in cruce, in eo fuit posita, quod animæ gloria ita contineretur, vt voluntas Christi perinde esset libera ad præcepta implenda, vel non implenda, ac si eam gloriam non haberet, sed esset purus viator.

Vt ad argumenti solutionem veniamus iuxta ha-
cenus explicata, si Christus spectet quoad ea, quæ naturæ ipsius ratione gratia vnionis sunt debita, di-
cendum est, Christum nulla ratione potuisse pecca-
re, vt Augustinus de prædictis. Sanct. cap. 15. in En-
chiridio cap. 40. & alias saepe, ac reliqui Patres com-
munitate affirmant: quoniam debitum erat humani-
tati Christi, vt nulla ratione à Deo permitteretur peccare: & quoniam fædum, indecensque omnino erat, Verbum, etiam per naturam assumptionam pecca-
re: quare sicut contradictionem implicat, Deum
mentiri, non quidem quasi Deo deficiat parentia ad
formandas eas voces, quæ si proferretur, esset mendacium, sed quia Deum dedecet, omninoque cum
infinita ipsius bonitate pugnat, mentiri: ita contradic-
tionem implicat Christum peccare, non quod Christo, quatenus viator erat, facultas decessit ad

*Cur libertas
ad transgre-
dienda pre-
cepta, ex nō
nulla alia re-
lata fuerint
in Christo dū
erat viator.*

*Christi vo-
luntas capax
fuit doloris
& tristitiae.*

*Viatorū si-
mul & com-
prehensoris
ratio in quo
fuit in Chri-
sto posita.*

*Christus qua-
ratione spe-
ciale nullo
modo potuisse
peccare.*

transgredienda præcepta, sed quia Deo repugnat id permittere, cum infinitaque Verbi diuinibonitate peccare pugnat, etiam per naturam assumptam, atque adeò Deum id permettere: quare ad diuinam prouidentiam pertinebat, ita res disponere, vt seruata in Christo libertate quæ ad meritum & fines explicatos necessaria erat, omnino non peccaret, quod & factum est. Inde etiam in sensu composito, iuxta ea quæ in responsive ad præcedens argumentum dicta sunt, non poterat Christus peccare, quoniam erat supremus confirmatorum in gratia, & bono per longè excellentiora dona & subsidia, quæm sanctissima ipsius materiæ sensu autem composito contradictionem implicat, confirmatum in gratia & bono peccare, licet non in sensu diuiso, ac simpliciter, quoniam si peccaturus esset ut nihil impedientibus donis potest, neque Deus præscribet eum cum eis donis pro sua libertate non peccaturum, neque proinde rationem haberet confirmati in gratia & bono, ut in responsive ad præcedens argumentum explicatum est. Si verò Christus spectetur quatenus erat viator, & gloria animæ ad fines explicatos suspenderebatur, ne libertatem auferret à Christo ad transgredienda præcepta, sicut eam auferret à ceteris beatis, qui simul non sunt viatores, & spectetur quatenus maxima cum difficultate, ac trifitia mortem subibat, & laboriosa, ac difficilia alia opera in salutem generis humani exercebat, vt probant illud Luca 12. cap. Baptismo habeo baptizari, & quomodo coarctor, vñ que dñm perficiatur. Et illud Math. 26. Cœpit contristari & mox fuisse: (Marcus ait, Cœpit paure & tædere) & ait illis, Trifitis est anima mea usque ad mortem, sustinete hic & vigilate mecum. Et procedit in faciem suam orans & dicens, Pater mi si posibile est, transférat à me calix iste: verumtamen non sicut ego volo, sed sicut tu, tantaque fuit agonia eius & trifitia, ut factus fuerit sudor eius sicut gutta sanguinis decurrentis in terram, vt Lucas ait cap. 22. Proabant item illud ad Hebre. 4. Non enim habemus ponitiscem, qui non possit compati infirmatis nostris, tentatum per omnia pro similitudine (id est, ac si esset unus ex nobis) absque peccato, & illud Math. 27. Deus natus, Deus natus, ut quid dereliquisti me: si, inquam, hoc modo Christus spectetur, fanè, nihil impedientibus capitibus aliis, quæ commemorata sunt, libertatem re ipsa habebat ad non faciendum ea, quæ facere ex præcepto tenebatur, certus tamen quod, repugnante etiam validissimè ipsius natura, ea omnia planissimè ac perfectissimè pro sua libertate esset impleretur. Suffulque que ad id potentissimis donis, ac præsidii. Quod sit, vt mors Christi, non spontanea, sed & liberrima fuerit libertate contradictionis, aut etiam contrarietas, similius faterit illi præcepta, neque unum cu altero pugnet. Vtrumque autem docuit Christus Ioh. 10. dicens, Propterea me diligit pater, quia ego pono animam meam. Nemo tollit eam a me, sed ego pono eam a me ipso. Potestatem habeo ponendi eam, & potestatem habeo iterum sumendi eam. Hoc mandatum accepit à Patre meo. Fit etiam, vt laboriosissima, ac difficillima fuerit, nature Christi eam quam maximè exhorfescere, vt ex testimoniosis citatis constat, atque ex illo ad Romanos 15. Etenim Christus non placuit, sed sicut scriptum est, improperia improperantium tibi occiderunt super me, & nihilominus propter donas subvidia, quibus Christus fulciebatur, incredibilèmque caritatis magnitudinem ac feruorem qua Deum & proximos prosequebatur, fuerit simul promptissima, iuxta illud Math. 26. Spiritus quidem promptus est, caro autem infirma, atque illud Psal. 18. Exultauit ut gigas ad currēdā viam, laborum scilicet passionis, ac mortis, quæ eam finivit.

Mors Christi
non solum
spontanea,
sed etiā li-
bera ac præ-
cepta illi
fuit.

A Fit denique, vt Christi mors, ceteraque ipsius opera omni ex parte fuerint perfectissima & consummatissima, qualia tum in nostrum commodum & exemplum, tum etiam in summam ipsius laudem & honorem, tales ac tantum decebant redemptorem.

B Ad argumentum ergo in forma negandum est Christi actus, etiam eum, quo Patris impletuit præceptum de genere humano morte sua redimende, per auxilium ita ex se efficax fuisse à Deo præfinitos, quasi in præsentia eius auxiliū integrum non fuerit Christo illos non elicere, nihil tali auxilio impeditere: id enim esset libertatem auferre à Christo in momento temporis, quo illos eliciebat, & subinde meritus. Ad probationem verò iam explicatum est, non quidem ex capite efficacie auxiliū, sed ex duobus aliis capitibus in sensu composito non potuisse Christum peccare, nec subinde nō elicere eos actus, idque libertatem in sensu diuiso, ac simpliciter non tollere à Christo, vt eos actus posset non elicere in eo ipso instanti, in quo eos elicit. Reliqua autem, quæ in eo arguento subiunguntur, satis ex dictis constat non probare, concedendas esse Dei præfinitiones per auxilium ex se efficacem: quoniam tale auxilium simpliciter tollit libertatem ab arbitrio eius, cui impenderetur, in instanti in quo eliceret actum: neque sensu diuiso qualis à constituentibus eiusmodi præfinitiones intelligitur, relinquit libertatem in eo arbitrio, quod auxilio ex se efficacem iuaretur, sed solum ponit libertatem in Deo ad auxilium illud concedendum aut non concedendum, atque adeò ad efficiendum ut arbitrium elicit, aut non elicit talern actum, vt suprà explicatum fuit: non sic autem habet sensus diuisorum, qui distinguitur contra sensum compositum, in quo Christus ex illis aliis duabus capitibus non poterat peccare, neque desinere elicere actum, ad quem ex præcepto tenebatur, vt à nobis explicatum est.

ARTICVLVS XIV.

Virum Deus cognoscat enunciabilia.



ONCLVSI affirmat, & est certa, vt constat ex illo psalmi 93. Dominus fecit cogitationes hominum, atque adeò enunciations, quas cogitando efformant. Nomine namque enunciabilium, enunciations intelligit hoc loco D. Thomas. Non tamen cognoscit eas Deus componendo, aut diuidendo, sed simplicissimo intuitu veritatem, aut falsitatem cuiusque earum contundo, & penetrando.

ARTICVLVS XV.

Virum scientia Dei sit variabilis.



EFFICVLTAS huius questionis ^{Quæstio-}
^{senfusa.} non est circa scientiam Dei naturalem, de qua art. 13. disp. 14. & 16. dictum est. Neque item de illa media inter scientiam liberam, & merè naturalem, de qua disp. 17. & 18. dictum est. Vtrique enim antecedit actum liberum voluntatis diuinæ, atque in Dei potestate neque est, neque ex aeternitate fuit, aliud per eiusmodi scientiam scire, aut plura, vel pauciora, quam sciuerit, vt ex dictis eisdem in locis constat. Difficultas ergo solum est, circa scientiam liberam contingentium futurorum, quæ determinationem liberam voluntatis,